

ANEXO

a) Cursos de especialización.

Duración (horas lectivas)	20	25	30	35	40	45	50	55	60	65	70	75	80
Prezo privado/alumno (cota de inscripción):	43,80	52,20	61,80	71,40	78,40	88,00	96,60	105,90	116,50	126,00	134,20	142,60	150,80

b) Cursos de cualificación profesional e asimilados.

Duración (horas lectivas)	Ata 25 horas	Desde 26 horas a 50 horas	Mais de 50 horas
Prezo privado/alumno (cota de inscripción):	160	225	320 € + 64 € por cada tramo de 10 horas, a partir de 61 horas.

CONSELLERÍA DO MEDIO RURAL

Orde do 7 de abril de 2010 pola que se establecen as bases reguladoras das axudas á identificación do gando equino e se convocan para o ano 2010.

O Regulamento (CE) nº 1698/2005 do Consello, do 20 de setembro, relativo á axuda ao desenvolvemento rural a través do Feader, establece no seu artigo 31 a concesión de axudas para a implantación de novas normas introducidas na lexislación nacional, en transposición doutra comunitaria, que impoña obrigas ou restricións nas prácticas agrícolas que teñan unha repercusión negativa nos custos habituais da explotación e afecten un número significativo de agricultores.

Con base nesta posibilidade, o Programa de desenvolvemento rural de Galicia para o período 2007-2013, aprobado por Decisión da Comisión do 15 de febreiro de 2008, preveu a concesión de axudas para a implementación do Regulamento (CE) 504/2008 da Comisión, polo que se aplican as Directivas 90/426/CEE e 90/427/CEE no que se refire aos métodos de identificación dos équidos, aplicable a partir do 1 de xullo de 2009.

En transposición da normativa comunitaria aprobouse o Decreto 268/2008, do 13 de novembro, polo que se establecen normas que regulan o rexistro e identificación dos animais equinos, as medidas básicas para a ordenación zootécnica e sanitaria das explotacións equinas, as paradas de sementais equinos co servizo a terceiras persoas e se crea o Rexistro Galego de Explotacións Equinas; e o Real decreto 1515/2009, do 2 de outubro, polo que se establece un sistema de identificación e rexistro dos animais da especie equina.

Conforme estas normas, os titulares das explotacións gandeiras equinas terán que identificar os animais e comunicar ás autoridades competentes os movementos do gando que se produzan na súa explotación mediante xustificación documental ou por medios informáticos. Esta medida contribuirá á ordenación do sector equino en Galicia, de especial dificultade pola existencia dun importante número de cabalos mantidos no monte en réxime de liberdade ou semiliberdade. Porén, a súa implantación nestas explotacións, caracterizadas pola escasa renda que xeran, terá un impacto notable nos custos de funcionamento.

A axuda que se regula nesta orde compensará parcialmente os gastos derivados da identificación dos animais da especie equina que se manteñen nos mon-

tes galegos en réxime de liberdade ou semiliberdade.

Será necesario arbitrar un sistema que evite aos propietarios o anticipo dun desembolso económico importante, unha vez que este esforzo non se compensa coa rendibilidade dun retorno proporcional e, por tanto, é previsible que a ausencia deste sistema limite gravemente a consecución do fin perseguido, que non é outro que a identificación do maior número posible de cabalos de monte de Galicia. Así, para tal fin, os propietarios dos équidos disporán da opción de cederen os dereitos de cobramento da axuda que lles corresponda ao veterinario autorizado, nas condicións que se estipulen convenientemente.

En consecuencia, de conformidade co previsto no artigo 30.1.3 do Estatuto de autonomía de Galicia e no uso das facultades que me confire a Lei 9/2007, do 13 de xuño, de subvencións de Galicia, e no uso das competencias que me confire a Lei 1/1983, do 22 de febreiro, reguladora da Xunta e da súa Presidencia, modificada pola Lei 11/1998 e pola Lei 2/2007,

DISPOÑO:

Artigo 1º.-*Obxecto.*

Esta orde ten por obxecto establecer as bases reguladoras das axudas para compensar os gastos derivados da identificación do gando equino mantido nos montes de Galicia en réxime de liberdade ou semiliberdade, consono as prescricións establecidas na medida 131 do Programa de Desenvolvemento Rural de Galicia para o período 2007-2013, aprobado por Decisión da Comisión do 15 de febreiro de 2008, en aplicación do disposto no artigo 31 do Regulamento (CE) 1698/2005 do Consello, relativo á axuda ao desenvolvemento rural a través do Feader; e proceder á súa convocatoria para o ano 2010.

Artigo 2º.-*Definicións.*

Para os efectos desta orde, serán de aplicación as seguintes definicións:

a) Explotación equina: calquera instalación, construción ou, no caso de cría ao aire libre, calquera lugar en que se teñan, críen, manexen ou expoñan ao público animais das especies equinas, con ou sen fins lucrativos.

b) Explotación extensiva de équidos en liberdade: aquelas explotacións extensivas asentadas sobre terreos forestais ou agrarios, xa sexan públicos ou privados, onde se explotan os animais en estado salvaxe ou semisalvaxe en completa liberdade.

c) Persoa titular de explotación equina: calquera persoa física ou xurídica ou, se é o caso, unha comunidade de montes veciñais en man común, que sexa propietaria ou responsable dunha explotación equina.

d) Persoa responsable de pasto de uso común: a persoa física, xurídica ou, unha comunidade de montes veciñais en man común, titular do dereito de aproveitamento de pastos, coincida ou non coa persoa propietaria do terreo.

Artigo 3º.-Beneficiarios.

Poderán ser beneficiarias as persoas titulares de explotacións extensivas de équidos en liberdade que aproveiten o monte e que reúnan os seguintes requisitos:

a) Cumprir coas obrigas establecidas no artigo 11 da Lei 38/2003, do 17 de novembro, xeral de subvencións.

b) A explotación debe estar situada no ámbito territorial da Comunidade Autónoma de Galicia. Nos casos en que unha explotación estea integrada parcialmente por elementos territoriais situados noutra comunidade autónoma, considerarase dentro do ámbito de aplicación desta orde cando a maior parte da súa base territorial estea situada na Comunidade Autónoma de Galicia.

c) Xustificar estar ao día nas súas obrigas fiscais e coa Seguridade Social e de que non ten ningunha débeda pendente de pagamento coa Administración da Comunidade Autónoma de Galicia.

d) Non ter sido sancionado pola Consellería do Medio Rural por cometer infraccións en materia de sanidade animal no prazo dun ano se a infracción foi cualificada como leve ou dous anos se a infracción foi cualificada como grave ou de 3 anos se a infracción foi cualificada como moi grave.

Artigo 4º.-Definición das axudas e contías.

A axuda financia o custo da identificación, incluídos o dispositivo electrónico, a aplicación clínica e a emisión dos documentos, dos équidos mantidos en réxime de liberdade ou semiliberdade nos montes de Galicia, agás os animais de abasto menores de 12 meses.

Para a determinación do importe da axuda, estimarase un custo máximo por animal identificado de 40 € (IVE incluído). A axuda consistirá nun importe anual a tanto global, temporal e decrecente. O importe de axuda será do 90% dos custos no primeiro ano de xestión da axuda, decrecendo ao 75%, 60% e 40% cada un dos anos seguintes ata a desaparición completa da axuda. A contía máxima da axuda poderá alcanzar 10.000 € por explotación ata o ano 2013. O IVE non é subvencionable, coas excepcións dispostas no artigo 71 do Regulamento (CE) 1698/2005 do Consello.

Artigo 5º.-Presentación das solicitudes de axuda.

1. O prazo de presentación de solicitudes será dun mes contado a partir do día seguinte ao da publicación desta orde no *Diario Oficial de Galicia*. Entenderase como último día do prazo o correspondente ao mesmo ordinal do día da publicación. Se o último día do prazo for inhábil, entenderase prorrogado ao primeiro día

hábil seguinte e se, no mes de vencemento non houber día equivalente ao inicial do cómputo, entenderase que o prazo expira o último do mes.

2. A presentación da solicitude de axuda realizarase segundo o previsto no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro e, preferentemente, nas oficinas veterinarias comarcais ou nos servizos provinciais de Gandaría, utilizando os impresos normalizados incluídos como anexo I, que estarán á disposición dos interesados nas mencionadas oficinas. A solicitude poderá ser presentada por:

-CMVMC, titulares de explotacións extensivas de équidos en liberdade que exerzan un aproveitamento directo do monte en representación da propia comunidade.

-Persoas físicas ou xurídicas, titulares de explotacións extensivas de équidos en liberdade, que aproveiten o monte e, no caso de que pertencen a unha CMVMC cumpran as directrices do regulamento da comunidade.

-Pola CMVMC en representación do conxunto dos seus comuneiros que sexan titulares de explotacións gandeiras equinas.

A solicitude fará mención do titular ou titulares de cabalos, número de animais previstos a identificar para cada un deles e orzamento estimado de gasto. Ademais deberá ir acompañada dos seguintes documentos.

1. No caso de titular individual:

a) No caso de representación exixirase autorización para facer a solicitude nos termos exixidos no artigo 32 da Lei 30/1992, de réxime xurídico das administracións públicas e do procedemento administrativo común. De ser o caso, certificación do órgano competente en que se especifique o acordo polo que se concede autorización para facer a solicitude ao asinante dela. Se actuar en virtude de atribucións fixadas nos estatutos, indicarse así na solicitude, presentado copia cotexada daqueles e citando a disposición que recolle a competencia. De non ser así, deberá acreditarse a representación conforme o artigo 32 da Lei 30/1992.

b) Para o suposto de comuneiros, certificación da CMVMC a que pertenza o titular que acredite que é integrante dela, que aproveita o monte e cumpre as directrices e regulamentos da comunidade.

2. Cando se trate de comunidade de montes veciñais en man común que actúen en representación:

a) Certificación do órgano competente en que se especifique o acordo polo que se concede autorización para facer a solicitude ao asinante dela. Se actuar en virtude de atribucións fixadas nos estatutos, indicarse así na solicitude, presentando copia cotexada deles e citando a disposición que recolle a competencia. De non ser así, deberá acreditarse a representación conforme o artigo 32 da Lei 30/1992.

A presentación da solicitude de concesión da axuda comportará a autorización á Consellaría do Medio

Rural para todo o período de compromisos, para solicitar as certificacións que deban emitir a Axencia Estatal da Administración Tributaria, a Tesouraría Xeral da Seguridade Social e a Consellaría de Economía e Facenda da Xunta de Galicia, segundo o previsto na Lei 9/2007, do 13 de xuño, de subvencións de Galicia.

Artigo 6º.-Criterios de prioridade.

1. A concesión de axudas axustarase aos principios de publicidade, transparencia, concorrencia, obxectividade, igualdade e non-discriminación, segundo o artigo 5.2º a) da Lei 9/2007, do 13 de xuño, de subvencións de Galicia.

2. As axudas previstas nesta orde concederanse en réxime de concorrencia competitiva, en función das dispoñibilidades orzamentarias, das porcentaxes de axuda e das solicitudes recibidas que cumpran os requisitos establecidos nela.

3. As solicitudes clasificaranse en función dos seguintes criterios referidos ao titular e a explotación, coa seguinte puntuación máxima por criterio:

1º As CMVMC titulares de explotación: 10 puntos.

2º Os titulares de explotación con condición de comuneiro dunha CMVMC: 8 puntos.

3º Os titulares de explotación que non pertencen a unha CMVMC: 6 puntos.

Dentro de cada grupo ordenaranse as solicitudes de axuda de maior a menor número de équidos a identificar. No caso de que a dispoñibilidade orzamentaria limite o número de persoas beneficiarias, aprobaranse as axudas así ordenadas ata esgotar o orzamento. No caso de que se produza igualdade, priorizaranse as solicitudes dos titulares cuxas explotacións leven máis tempo dadas de alta.

Artigo 7º.-Tramitación e resolución da solicitude de axuda.

1. O órgano responsable da instrución dos expedientes destas axudas será a Dirección Xeral de Producción Agropecuaria.

2. Recibidas as solicitudes e a súa documentación, serán examinadas polo órgano xestor, que, de observar deficiencias, requirirá a súa emenda ao solicitante, concedéndolle un prazo de 10 días, consonte o artigo 71 da Lei 30/1992, modificada pola Lei 4/1999. Transcorrido este prazo sen que se producise a emenda ao expediente, terase por desistido da súa petición, logo da súa resolución.

3. A resolución de cada expediente corresponderá ao conselleiro do Medio Rural por proposta da Dirección Xeral de Producción Agropecuaria, logo da avaliación das solicitudes polo órgano colexiado, integrado por tres funcionarios desa mesma dirección xeral con categoría non inferior a xefe de negociado, un dos cales actuará como secretario, e que estará presidido polo subdirector xeral de Gandarías. As resolucións serán notificadas ás persoas interesadas, segundo o previsto na normativa vixente.

4. O prazo para resolver e notificar as subvencións será de 9 meses, segundo o previsto na Lei 6/2001, do 29 de xuño, de adecuación da normativa da Comunidade Autónoma de Galicia á Lei 4/1999, do 13 de xaneiro, de modificación da Lei 30/1992, do 26 de novembro, de réxime xurídico das administracións públicas e do procedemento administrativo común, e sempre antes do 31 de decembro. Se transcorrer o citado prazo máximo sen se ditar resolución expresa por parte do órgano competente, as persoas interesadas poderán entender desestimadas as súas solicitudes, para os efectos da interposición dos correspondentes recursos potestativo de reposición e contencioso-administrativo.

Artigo 8º.-Recursos administrativos.

As resolucións expresas ou presuntas dos expedientes tramitados en aplicación desta orde ou na respectiva orde de convocatoria esgotan a vía administrativa e contra elas cabe interpoñer os seguintes recursos:

1. Potestativamente recurso de reposición ante o conselleiro do Medio Rural, no prazo dun mes, contado a partir do día seguinte ao da súa notificación, ou de tres meses, contado a partir do día seguinte a aquel en que se produza o acto presunto, segundo os casos, de conformidade co establecido nos artigos 107, 116 e 117 da Lei 30/1992, segundo a redacción dada pola Lei 4/1999.

2. Directamente recurso contencioso-administrativo ante o órgano xurisdiccional contencioso-administrativo competente, no prazo de dous meses, contados a partir do día seguinte ao da súa notificación.

Artigo 9º.-Execución das actividades.

Unha vez presentada a solicitude e recibida a notificación da resolución aprobatoria da axuda, os beneficiarios comunicarán a data prevista e o lugar de identificación dos animais cunha anticipación mínima de 10 días, mediante a presentación no rexistro da oficina do servizo veterinario oficial que corresponda, do anexo II da orde de convocatoria.

Artigo 10º.-Presentación da solicitude de pagamento.

Depois da identificación dos animais, os beneficiarios autorizados presentarán unha solicitude de pagamento, sempre antes do 15 de novembro de 2010, preferentemente nos rexistros dos órganos dependentes da Consellería do Medio Rural. Así mesmo, poderán presentarse nos rexistros de calquera órgano administrativo que pertenza á Administración xeral do Estado, á de calquera Administración das comunidades autónomas, ou a algunha das entidades que integran a Administración local, se, neste último caso se subscribiu o oportuno convenio segundo se determina no anexo II do Decreto 164/2005, do 16 de xuño, ou por calquera outro medio previsto no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común. No caso de envío por correo farase de acordo co regulamentariamente previsto, no artigo 31 do Real decreto 1829/1999, do 3 de decembro, polo que se aproba o Regulamento polo que se regula a prestación dos servizos postais, en desenvolvemento do estableci-

do na Lei 24/1998, do 13 de xullo, do servizo postal universal e de liberalización dos servizos postais, presentándose en sobre aberto, co obxecto de que na cabeceira da primeira folia do documento que se queira enviar se faga constar con claridade o nome da oficina e a data, o lugar, a hora e minuto da súa admisión.

A solicitude de pagamento incluírá os seguintes documentos:

a) Modelo normalizado que figura como anexo III da orde, debidamente completado.

b) Se o representante da CMVMC ou do titular individual que presenta a solicitude de pagamento varía respecto do que presentou a solicitude de axuda, exixírase de novo certificación do órgano competente en que se especifique o acordo polo que se concede autorización para facer a solicitude ao asinante dela. Se actuar en virtude de atribucións fixadas nos estatutos, indicárase así na solicitude, presentando copia cotexada deles e citando a disposición que recolle a competencia. De non ser así, deberá acreditarse a representación conforme o artigo 32 da Lei 30/1992.

c) Declaración individual ou conxunta segundo o tipo de solicitude, dos animais obxecto da identificación indicando para os casos en que a solicitude a presentase unha CMVMC actuando en representación dos seus comuneiros, para cada un deles, os animais identificados. Correspóndese co anexo IV da orde.

d) Orixinais das facturas que emite o veterinario autorizado a cada un dos gandeiros. Deben ser presentadas na oficina veterinaria comarcal que corresponda, onde se dilixenciarán cun selo coa lenda «Investimento cofinanciado con Fondos Europeos».

Estas deben especificar claramente o concepto con indicación dos números de rexistro de cada équido e reflectir o custo total da actuación.

Os beneficiarios, en función do que acorden co veterinario autorizado, teñen dúas opcións de xustificación con diferenzas canto a documentación que deben presentar:

1. No caso de que o solicitante faga fronte ao total dos custos da identificación:

i) A factura virá acompañada do documento que verifique o pagamento efectivo do 100% do importe da base imponible máis o IVE íntegro, é dicir, un xustificante bancario do pago debidamente selado pola entidade, o cal pode ser un xustificante de transferencia bancaria, un xustificante bancario de ingreso de efectivo por mostrador ou unha certificación bancaria. Se o pagamento se instrumenta mediante efectos mercantís que permitan o pago aprazado (cheque, obriga de pagamento, letra de cambio) fornecerase a factura xunto coa copia do efecto mercantil, acompañado da documentación bancaria (extracto da conta do beneficiario, documento bancario acreditativo do pagamento do efecto) en que conste que o dito efecto foi efectivamente cargado na conta da persoa beneficiaria, dentro do prazo para a xustificación da axuda. Non obstante, no caso de que o gasto non supere os 300 €, admitirase como xustificante de pagamento a factura asinada e selada polo

veterinario autorizado e debe figurar a inscrición «Recibín en metálico a contía de € por parte de»

ii) Xunto coas facturas o solicitante deberá presentar un certificado orixinal da súa conta bancaria.

2. No caso de que o solicitante aboe ao veterinario autorizado a parte non subvencionable do total dos custos de identificación, debido á dificultade de facer fronte ao custo total dada a escasa rendibilidade destas producións, este poderá ceder os dereitos de cobramento da axuda ao veterinario autorizado, tal como establece o artigo 42.3º do Regulamento de subvencións da comunidade autónoma, aprobado polo Decreto 11/2009, do 8 de xaneiro:

i) A factura virá acompañada do documento que verifique o pagamento efectivo do 10% do importe da base imponible máis o IVE íntegro, é dicir, un xustificante bancario do pago debidamente selado pola entidade, o cal pode ser un xustificante de transferencia bancaria, un xustificante bancario de ingreso de efectivo por mostrador ou unha certificación bancaria. Se o pagamento se instrumenta mediante efectos mercantís que permitan o pago aprazado (cheque, obriga de pagamento, letra de cambio) fornecerase a factura xunto coa copia do efecto mercantil, acompañado da documentación bancaria (extracto da conta do beneficiario, documento bancario acreditativo do pagamento do efecto) en que conste que o dito efecto foi efectivamente cargado na conta da persoa beneficiaria, dentro do prazo para a xustificación da axuda. Non obstante, no caso de que o gasto non supere os 300 €, admitirase como xustificante de pagamento a factura asinada e selada polo veterinario autorizado e debe figurar a inscrición «Recibín en metálico a contía de € por parte de»

ii) Documento orixinal de cesión do dereito de cobramento da subvención que corresponda a favor do veterinario autorizado, e que figura como anexo V da orde.

iii) Certificado de conta bancaria do veterinario autorizado.

Artigo 11º.-Seguimento e control da concorrencia e acumulación de axudas.

1. Estas axudas son incompatibles con calquera outra axuda financiada con fondos comunitarios, pero si poden ser compatibles con outros fondos públicos ou privados ata o importe máximo subvencionable.

2. As persoas solicitantes das axudas previstas nesta orde xuntarán, coa solicitude inicial, unha declaración do conxunto de todas as solicitudes de axuda, efectuadas ou concedidas para o mesmo proxecto polas distintas administracións públicas competentes ou calquera dos seus organismos, entes ou sociedades, así como doutros ingresos ou recursos que financien o proxecto ou, se é o caso, cubrir, debidamente asinada, a declaración que figura no anexo VI.

3. Así mesmo, no caso de que haxa algunha variación respecto á declaración citada no número 2 no momento previo ao pagamento final, presentarán unha declaración complementaria do conxunto das axudas solicitadas para o mesmo proxecto, tanto das aproba-

das e concedidas, como das pendentes de resolución, así como dos ingresos ou recursos que o financien.

Artigo 12º.-Obriga de facilitar información.

Ademais da documentación complementaria que durante a tramitación do procedemento lle poidan exixir os órganos competentes da Consellaría do Medio Rural, as persoas beneficiarias das axudas teñen a obriga de facilitar toda a información que lles sexa requirida pola Intervención Xeral da Comunidade Autónoma, polo Tribunal de Contas, polo Consello de Contas ou polo servizo de Auditoría Interna do Fogga, no exercicio das súas funcións de fiscalización e control do destino das axudas públicas, así como a que lles sexa solicitada por calquera órgano comunitario de inspección ou control.

Artigo 13º.-Modificación da resolución de concesión.

1. Toda alteración das condicións tidas en conta para a concesión das axudas previstas nesta orde e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da resolución de concesión.

2. Así mesmo, poderá acordarse a modificación da resolución de concesión por instancia da persoa beneficiaria, sempre que cumpra as condicións previstas na Lei 9/2007, do 13 de xuño, de subvencións de Galicia, e no Decreto 11/2009, do 8 de xaneiro, polo que se aproba o regulamento da lei.

Artigo 14º.-Reintegro das axudas.

De acordo co artigo 2 do Regulamento (CE) 1975/2006 da Comisión do 7 de decembro (DO L 368 do 23 de decembro), procederá o reintegro total ou parcial, do importe da axuda máis os xuros de demora producidos desde o momento da notificación da obriga de reembolso, no suposto de incumprimento das condicións establecidas para a súa concesión e, en todo caso, nos supostos previstos na Lei 9/2007, do 13 de xuño, de subvencións de Galicia, tendo en conta as excepcións contidas nela e no Decreto 11/2009, do 8 de xaneiro, polo que se aproba o regulamento da lei.

Artigo 15º.-Controis, reducións, exclusións e sancións.

1. A Dirección Xeral de Producción Agropecuaria será a responsable de efectuar as actuacións necesarias tendentes á realización tanto dos controis administrativos das solicitudes de axuda e de pagamento como dos controis sobre o terreo, para verificar o cumprimento polos beneficiarios dos compromisos e obrigas que asumisen, todo isto sen prexuízo dos controis que deban realizar outras unidades con base no disposto na regulamentación aplicable a esta medida.

2. As axudas reguladas nesta orde están suxeitas aos controis establecidos no Regulamento (CE) 1975/2006 da Comisión, do 7 de decembro de 2006, particularmente nos artigos 26, 27 e 28.

3. O cálculo dos pagamentos e a imposición de reducións, exclusións e sancións efectuarase consonte as dis-

posicións do artigo 31 do Regulamento (CE) 1975/2006 da Comisión, do 7 de decembro de 2006.

4. A falta de realización da comunicación prevista no artigo 7 desta orde, será causa de exclusión.

Artigo 16º.-Financiamento.

O financiamento das axudas recollidas nesta orde efectuarase con cargo a aplicación orzamentaria 13.02.713E.781.3 dos orzamentos da Comunidade Autónoma de Galicia, na cal existe crédito adecuado para o ano 2010 de cen mil euros (100.000 euros). Esta axuda está cofinanciada polo Feader, o Ministerio de Medio Ambiente e Medio Rural e Mariño e a Xunta de Galicia. A dita aplicación orzamentaria poderá incrementarse con fondos adicionais, comunitarios, estatais e da comunidade autónoma.

Disposicións adicionais

Primeira.-Publicidade das axudas.

De conformidade co artigo 13.4º da Lei 4/2006, do 30 de xuño, de transparencia e de boas prácticas na Administración pública galega, a Consellaría do Medio Rural publicará na súa páxina web oficial as concesións das axudas reguladas nesta orde, polo que a presentación da solicitude leva implícita a autorización para o tratamento necesario dos datos dos/as beneficiarios/as e da súa publicación na citada páxina web, e procederase tamén á súa publicación no *Diario Oficial de Galicia*, de acordo coa Lei 9/2007, do 13 de xuño, de subvencións de Galicia.

Así mesmo, a presentación da solicitude leva implícita a autorización para o tratamento dos datos para os efectos do disposto no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

Segunda.-En todo o non recollido nesta orde aplicarase o disposto na Lei 9/2007, do 13 xuño, de subvencións de Galicia, así como o establecido no Programa de Desenvolvemento Rural de Galicia 2007-2013 e no Regulamento (CE) nº 1698/2005, do 25 de setembro, relativo á axuda ao desenvolvemento rural a través do Feader.

Disposicións derradeiras

Primeira.-Facúltase o director xeral de Producción Agropecuaria para ditar as instrucións precisas para a execución do disposto nesta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 7 de abril de 2010.

Samuel Jesús Juárez Casado
Conselleiro do Medio Rural



XUNTA DE GALICIA
CONSELLERÍA DO MEDIO RURAL

ANEXO I



GOBIERNO
DE ESPAÑA

MINISTERIO
DE MEDIO AMBIENTE
Y MEDIO RURAL Y MARINO



UNIÓN EUROPEA
FONDO EUROPEO DE
DESARROLLO REGIONAL
"Última mancha de feitor Europa"

PROCEDEMENTO AXUDAS Á IDENTIFICACIÓN EQUINA	CÓDIGO DO PROCEDEMENTO MR416D	DOCUMENTO SOLICITUDE
---	---	--------------------------------

DATOS DO SOLICITANTE: 1.- CMVMC en representación dos seus comuneiros 2.- Titular individual.

SOLICITANTE			NIF	REGA (2)
[]			[]	[]
ENDEREZO (RÚA, NÚMERO E ANDAR)		PROVINCIA	CONCELLO	
[]		[]	[]	
CÓDIGO POSTAL	TELÉFONO	FAX	CORREO ELECTRÓNICO	
[]	[]	[]	[]	
NÚMERO DE ANIMAIS PREVISTOS A IDENTIFICAR ⁽²⁾ : []				

E, na súa representación:

APELIDOS /RAZÓN		NOME	NIF
[]		[]	[]
ENDEREZO (RÚA, NÚMERO E ANDAR)		PROVINCIA	CONCELLO
[]		[]	[]
CÓDIGO POSTAL	TELÉFONO	FAX	CORREO ELECTRÓNICO
[]	[]	[]	[]

DOCUMENTACIÓN QUE SE XUNTA

CMVMC en representación dos seus comuneiros

- Autorización para facer a solicitude ao asinante dela.
 Folla 2 do anexo I.

Titular individual.

- De ser o caso, autorización para facer a solicitude ao asinante dela.
 De ser o caso, Certificado que acredite ao solicitante como integrante dunha CMVMC

Autorízase á Consellería do Medio Rural, para incluír e facer público, nos rexistros de axudas, subvencións, convenios e sancións, regulados no Decreto 132/2006, do 27 de xullo, os datos relevantes referidos ás axudas e subvencións recibidas, así como ás sancións impostas; e que autoriza a esa consellería para o tratamento dos seus datos, para os efectos de dar cumprimento ao previsto no artigo 13.4º da Lei 4/2006, do 30 de xuño, de transparencia e boas prácticas na Administración pública galega, para publicar na súa páxina web oficial a relación dos beneficiarios e o importe das axudas concedidas. Así mesmo, autoriza á Consellería do Medio Rural para todo o período de compromisos, para solicitar as certificacións que deban emitir a Axencia Estatal da Administración Tributaria, a Tesouraría Xeral da Seguridade Social e a Consellería de Facenda da Xunta de Galicia, segundo o previsto na Lei 9/2007, do 13 de xuño, de subvencións de Galicia.

En cumprimento co disposto no artigo 5 da Lei orgánica 15/1999, de protección de datos de carácter persoal, infórmolle que os datos persoais recollidos nesta solicitude incorporaranse a un ficheiro, para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei, mediante un escrito dirixido a esta consellería como responsable do ficheiro (o enderezo figura ao pé desta solicitude).

LEXISLACIÓN APLICABLE <i>Orde do 7 de abril de 2010 pola que se establecen as bases reguladoras das axudas á identificación do gando equino e se convocan para o ano 2010.</i>	(Para cubrir pola Administración)								
SINATURA DO/DA SOLICITANTE OU PERSOA QUE O/A REPRESENTA _____, de _____ de _____	<table border="1"> <tr> <td>RECIBIDO</td> <td>NÚMERO DE EXPEDIENTE _____</td> </tr> <tr> <td>REVISADO E CONFORME</td> <td>DATA DE ENTRADA ____/____/____</td> </tr> <tr> <td></td> <td>DATA DE EFECTOS ____/____/____</td> </tr> <tr> <td></td> <td>DATA DE SAÍDA ____/____/____</td> </tr> </table>	RECIBIDO	NÚMERO DE EXPEDIENTE _____	REVISADO E CONFORME	DATA DE ENTRADA ____/____/____		DATA DE EFECTOS ____/____/____		DATA DE SAÍDA ____/____/____
RECIBIDO	NÚMERO DE EXPEDIENTE _____								
REVISADO E CONFORME	DATA DE ENTRADA ____/____/____								
	DATA DE EFECTOS ____/____/____								
	DATA DE SAÍDA ____/____/____								

Dirección Xeral de Producción Agropecuaria, Edificio administrativo s/n, 15781 Santiago de Compostela.



XACOBEO 2010
Galicia

ANEXO III

SOLICITUDE DE PAGAMENTO

DATOS DO SOLICITANTE

1.- CMVMC en representación dos seus comuneiros2.- Titular individual.

SOLICITANTE	NIF
<input type="text"/>	<input type="text"/>
REPRESENTANTE	NIF
<input type="text"/>	<input type="text"/>
CON ENDEREZO EN	
<input type="text"/>	

SOLICITA:

Como beneficiario dunha axuda solicitada ao abeiro da Orde 2010, pola que se establecen as bases reguladoras das axudas para a identificación equina, e se convocan para o 2010 (DOG nº. 2010), que se certifiquen as actuacións de identificación dos équidos polo seguinte investimento € (euros). segundo as facturas acreditativas do servizo que se presentan xunto a esta solicitude.

DATOS DO VETERINARIO AUTORIZADO

NOME E APELIDOS		CIF	
<input type="text"/>		<input type="text"/>	
POBOACIÓN	PROVINCIA	CÓDIGO POSTAL	
<input type="text"/>	<input type="text"/>	<input type="text"/>	
CÓDIGO DO BANCO	CÓDIGO DA SUCURSAL	DÍXITOS DE CONTROL	CÓDIGO DA CONTA CORRENTE
<input type="text"/>	<input type="text"/>	<input type="text"/>	<input type="text"/>

DOCUMENTACIÓN QUE SE XUNTA

1.- CMVMC EN REPRESENTACIÓN DOS SEUS COMUNEIROS:

- En caso de variación da representación respecto da solicitude: autorización para facer a solicitude ao asinante dela.
- Certificado de conta bancaria do titular ou de ser o caso, do veterinario autorizado.
- De cada integrante da CMVMC:
 - Declaración dos animais identificados. (ANEXO V).
 - Orixinais das facturas.
 - De ser o caso, xustificante bancario do ingreso na conta do veterinario da porcentaxe que corresponda do custo total da identificación dos animais.
- De ser o caso: declaración complementaria de axudas (ANEXO VII).

2.- TITULAR INDIVIDUAL

- En caso de variación da representación respecto da solicitude: autorización para facer a solicitude ao asinante dela.
- Certificado de conta bancaria do titular ou de ser o caso, do veterinario autorizado.
- Declaración dos animais identificados. (ANEXO V).
- Orixinais das facturas.
- De ser o caso, xustificante bancario do ingreso na conta do veterinario da porcentaxe que corresponda do custo total da identificación dos animais.
- De ser o caso: declaración complementaria de axudas (ANEXO VII).

E para que así conste, aos efectos de xustificación das actuacións realizadas, asino esta solicitude de pagamento.

SINATURA DO REPRESENTANTE LEGAL DA CMVMC

ANEXO VI

DECLARACIÓN DE SOLICITUDES EFECTUADAS OU CONCEDIDAS PARA O MESMO OBTXECTO

DON/DONA		NIF
<input type="text"/>		<input type="text"/>
TITULAR/REPRESENTANTE (Risqueuse o que non proceda)		NIF
<input type="text"/>		<input type="text"/>
CON ENDEREZO EN		
<input type="text"/>		

DECLARO

- Que non soliciteu e/ou non se lle concederon axudas para o mesmo proxecto das distintas administracións públicas competentes ou calquera dos seus organismos, entes ou sociedades, así como non existen outros ingresos recursos que financien o proxecto.
- Que soliciteu e/ou se lle concederon axudas para o mesmo proxecto das distintas administracións públicas competentes ou calquera dos seus organismos, entes ou sociedades, así como outros ingresos ou recursos que financien o proxecto, a saber:

DESCRIBIÓN DA AXUDA E CONCEPTO	IMPORTE
<input type="text"/>	<input type="text"/>
<input type="text"/>	<input type="text"/>
TOTAL	<input type="text"/>

E para que así conste, para os efectos oportunos asino esta declaración

_____, de _____ de _____

Asdo.:

Orde do 7 de abril de 2010 pola que se establecen as bases reguladoras para a concesión de subvencións para a prevención e defensa contra os incendios forestais en comunidades de montes veciñais en man común e se convocan para o ano 2010.

O Regulamento (CE) 1698/2005, do Consello do 20 de setembro relativo á subvención ao desenvolvemento rural a través do Fondo Europeo Agrícola de Desenvolvemento Rural (Feader), que establece as normas que regulan estas subvencións, así como os obxectivos aos que debe contribuír a política de desenvolvemento rural, o contexto estratéxico, as prioridades e medidas de desenvolvemento rural e as normas relativas á cooperación, á programación, á avaliación e ao con-

trol, sobre a base das responsabilidades que comparten os Estados membros e a Comisión.

O Regulamento (CE) 1974/2006, da Comisión, do 15 de decembro de 2006, polo que se establecen disposicións de aplicación do Regulamento (CE) 1698/2005, do Consello relativo á subvención ao desenvolvemento rural a través do Fondo Europeo Agrícola de Desenvolvemento Rural (Feader).

O Regulamento (CE) 1975/2006, da Comisión do 7 de decembro polo que se establecen disposicións de aplicación do Regulamento (CE) 1698/2005 do Consello no que respecta á aplicación dos procedementos de control e a condicionalidade en relación coas medidas de subvención ao desenvolvemento rural.